


# ĀHEA HURI MAMATI AI TŌKU ROHE?

Wāhi iti, wāhi iti te huri mamati o Te Reo Tātaki.



**Kia mamati rite tonu koe hei mātakitaki tonu i te pouaka whakaata ina huri mamati tō rohe.**

**Ka wātea ētahi atu mōhiotio ā ngā marama ka tata ai te huritanga i ia rohe.**



## HE PĀTAI?

### Kua rite rānei ahau mō te pouaka whakaata mamati?

Mēnā kei a koe te Freeview, kei te ohauru ki SKY, ki TelstraClear rānei, kei te mātaki kē koe i te TV mamati. Mēnā kei te mātaki koe i ngā hongere pērā i TVNZ6 me TVNZ7, kua huri mamati kē koe. Ka taea te whakamahi i ngā pūrere hototahi ki Freeview pērā i TiVo me tō te PlayStation 3 PlayTV, hei mātaki i te FreeviewIHD ina wātea.

### Me hoko pouaka whakaata hōu anō ahau?

Kāo. Ka taea tata ki te katoa o ngā TV te mea kia mamati-rite mā tētahi pūrere set-top. Ko te mea nui kia mahara, ā muri i te huringa mamati ka āhei noa koe te mātaki TV mā runga i te pūrere mamati-rite.

### Ka mahi tonu taku pūrere ataata, pūrere DVD rānei?

Ka taea ngā pūrere hopu katoa te whakamahi ina honoa ki tētahi pouaka mamati set-top, engari tē āhei te nuinga te whiwhi me te hopu i ngā pāhotanga mamati ko tōna kotahi. Mēnā he mea hira ki a koe te hopu hōtaka, me whakaaro pea koe ki te hoko i tētahi pūrere DVD hōu.

### E hiahia au ki tētahi hihiri irirangi, rīhi amorangi rānei?

I runga i tō takiwā noho me tō tikanga mātaki TV o nāianei, tēnā pea ka hiahiatia e koe tētahi hihiri irirangi ā-tuanui hōu, tētahi rīhi amorangi rānei. Kei te nuinga o ngā whare te kōwhiringa ki te mātaki TV mā tētahi hihiri irirangi ā-tuanui.

Ki te noho koe ki tētahi takiwā kāhore nei tēnei kōwhiringa, ka hiahia koe ki tētahi ratonga amorangi pērā i te amorangi Freeview, SKY rānei. Kei te paetukutuku Freeview tētahi mahere whenua e āhei ai koe te tiro mēnā kei roto koe i te takiwā uHINGA o te FreeviewIHD – [www.freeviewnz.tv](http://www.freeviewnz.tv). Kei ngā whare i Te Whanganui-a-Tara me Ōtautahi hoki pea te kōwhiringa ki te ohauru ki te whakaata ā-taura.

### Ka hia te utu o te huringa mamati?

Hei runga i tō takiwā noho me ngā utauta ka hiahiatia e koe te utu o te huringa mamati. Kia mahara, kāore e hiahiatia he pouaka whakaata hōu hei whakawhiti ki ngā hōtaka mamati.

### E hiahiatia e ahau he TV HD (High Definition) hei huri mamati?

Kāo, kāore he tikanga kia hokona he pouaka whakaata HD hei huri mamati.

### Ka pēhea mēnā kei tētahi whare whaitua, wharenoho rānei ahau?

Mēnā kei tētahi whare whaitua, wharenoho rānei koe, tēnā pea kei te whiwhi tahi koe i tō irirangi TV i tētahi hihiri irirangi e tiritiri ana koutou ko ērā atu o te whare whaitua. He mea nui kia kōrero koe ki te kaiwhakahaere o te whare kia āta tirohia kua mamati-rite te whare. Ko tō kaiwhakarēti pea tēnei, tō kaitiaki rawa, te māngai kaitiaki rawa, te aka kairēti rānei.

Ki te mea he pātai anō āu haere ki  
[www.goingdigital.co.nz](http://www.goingdigital.co.nz), waea rānei ki 0800 838 800

Nā Going Digital i whakaputa tēnei puka whakamārama, he wāhanga nō te Manatū Taonga.



# TŌ ARATOHU KI TE HURINGA MAMATI



Maori



New Zealand Government

## HE AHA RĀ TE HURINGA MAMATI?



### E huri mamati ana te reo tātaki. Kua huri mamati kē ētahi tāngata maha o Aotearoa.

Ka whakawetotia wāhi iti, wāhi iti ai te whatunga ā-ringa tahito i waenganui i Hepetema 2012 me Noema 2013. E huri mamati ana tātou e pai ake ai mō tātou katoa te kōunga o te pikitia me te nui atu o ngā hongere hei kōwhiritanga mā tātou.

Kei te haere kē ngā pāhotanga mamati huri noa i te motu nā reira ka taea e koe te whakawhiti ināianei tonu. Engari koa, kei te mātaki TV mamati kē te nuinga o tātou, heoi kāre i ētahi tāngata ngā utauta hei huri mamati.

## HE AHA TE TAKE ME HURI MAMATI TĀTOU?

### Ka pai kē tō pikitia me te kounga pūoru i te TV mamati, ka nui ake anō ngā hongere me ngā āhuatanga motuhake pērā i ngā aratohu TV ā-mata.

Tāpiri ki ngā painga tūturu mō ngā kaimātakitaki, ka whiwhi painga taha pūtea a Aotearoa.

Ko ngā iarere i whakamahia e te TV ā-ringa ka wātea ki te whakatipuranga hōu o ngā ratonga whakawhitinga waea pūkoru me ngā ratonga raraunga.

Ka takoha hoki ēnei ratonga ki te kaha whakanao, te tōnuitanga me te tipu taha ohaoha o Aotearoa. E huri ana hoki te nuinga o te ao.

## ME HURI MAMATI RAWA AHAU?

### Mēnā kei te mātaki TV koe i Freeview, SKY, TelstraClear rānei – kua huri mamati kē koe!

Heoi mēnā kei te mātaki TV koe hāunga tētahi o ēnei ratonga, me huri koe ki te TV mamati. Kei a koe te kōwhiringa kia mātaki tonu i te TV koreutu, te ohauru rānei ki te TV whaiutu. Mēnā kei te mātaki koe i ngā hongere pērā i TVNZ6 me TVNZ7, kua huri mamati kē koe.

## HE PĒHEA TĀKU HURI MAMATI?

### Kāore he tikanga kia hoko TV hōu koe hei huri mamati, engari pea me hoko koe i ētahi utauta hōu e āhei tonu koe te mātaki i te TV koreutu, te kōwhiri rānei ki te ohauru ki tētahi ratonga TV whaiutu.

E wātea ana te TV mamati koreutu mā te Freeview, i a SKY me TelstraClear e whakarato ana i ngā ratonga TV whaiutu. Ka taea hoki te whakamahi i ngā pūrere Freeview-hototahi pērā i TiVo me

tō te PlayStation 3's PlayTV hei mātaki i te FreeviewHD ina wātea.

E wātea ana hoki te TV mamati mā te amiorangi huri noa i te motu. E taea ana e te nuinga o ngā whare te whakamahi i tētahi hihi irirangi ā-tuanui hei mātaki i te TV mamati.

Kei ngā whare i Te Whanganui-a-Tara me Ōtautahi hoki pea te kōwhiringa ki te ohauru ki te whakaata ā-aura.

### E āhei ana tō kaiwhakarato o te hau kāinga te hoatu pārongo me te tohutohu ki a koe.

## NGĀ KAIWHAKARATO TV MAMATI

KAIWHAKARATO	TĀU E HIAHIA AI	WĀTEATANGA	NGĀ ĀHUATANGA
<b>TV IRIRANGI-KOREUTU</b>			
 <a href="http://www.freeviewnz.tv">www.freeviewnz.tv</a>	<ul style="list-style-type: none"> <li>Rihi amiorangi</li> <li>Pūrere Freeview set-top</li> </ul>	Huri noa i te whenua	<p><b>Amiorangi Freeview:</b> aratohu hōtaka ā-mata rangi-8.</p> <p><b>Taku amiorangi Freeview:</b> Aratohu hōtaka ā-mata rangi-8. Hopukina, hikitia me te whakahoki i te TV o taua wā tonu.</p>
 <a href="http://www.freeviewnz.tv">www.freeviewnz.tv</a>	<ul style="list-style-type: none"> <li>Hihi UHF</li> <li>Pūrere Freeview set-top, Freeview i roto tonu i te TV rānei</li> </ul>	Tāmaki-makau-rau, Waikato, Tauranga, Heretaunga, Manawatū, Te Whanganui-a-Tara, Ōtautahi, Ōtepoti	<p><b>FreeviewHD:</b> Ētahi hōtaka HD. Aratohu hōtaka ā-mata rangi-8.</p> <p><b>Taku FreeviewHD:</b> Ētahi hōtaka HD. Aratohu hōtaka ā-mata rangi-8. Hopukina, hikitia me te whakahoki i te TV o taua wā tonu.</p>
<p>Hei 2011 ka nui ake ngā tāngata o Aotearoa e āhei ki te whiwhi Freeview mā te hihi UHF ā-tuanui i te tōroatanga o te uhunga ki Waihopāi, Te Tihi-o-maru, Whakatū, Wairarapa, Whanganui, Tūranga, Ngāmotu, Taupō-nui-a-Tia, Rotorua me Whāngārei. Haere ki <a href="http://www.freeviewnz.tv">www.freeviewnz.tv</a> mō ētahi pārongo anō.</p>			
<b>RATONGA TV WHAIUTU</b>			
 <a href="http://www.skytv.co.nz">www.skytv.co.nz</a>	<ul style="list-style-type: none"> <li>Paepae amiorangi</li> <li>Pūrere set-top SKY</li> </ul>	Huri noa i te motu	<p>Aratohu hōtaka ā-hiko. SKY Box Office, me utu kia mātakitaki ai.</p> <p><b>Kōwhiringa MYSKY HD:</b> Ko ētahi hōtaka HD. Hopukina, hikitia me te whakahoki i te TV o taua wā tonu.</p>
 <a href="http://www.telstraclear.co.nz">www.telstraclear.co.nz</a>	<ul style="list-style-type: none"> <li>Ā-aura</li> <li>Pūrere set-top TelstraClear</li> </ul>	Te Whanganui-a-Tara, Ōtautahi	<p>Aratohu hōtaka ā-hiko. SKY Box Office, me utu kia mātakitaki ai.</p> <p><b>Kōwhiringa T-Box:</b> Ko ētahi hōtaka HD. Hopukina, hikitia me te whakahoki i te TV o taua wā tonu.</p>

## NGĀ KŌWHIRINGA MŌ TE HURINGA MAMATI

**UHF**

Ka hiahia koe ki tētahi **Hihi UHF** + **Pūrere set-top UHF** **TĒRĀ RĀNEI** Ko te 'FreeviewHD i roto tonu' i te TV

**AMIORANGI**

Ka hiahia koe ki tētahi **Paepae amiorangi** + **Pūrere set-top amiorangi**

**TE TAURA UIRA**

Ka hiahia koe ki tētahi **Hononga ā-aura** + **Pūrere set-top ā-aura**